

բարձրութեան ամենախոնարհ ծառայ և ա-
աղօթարար

Դամիսկոսի կաթողիկոս ամենայն հայոց

Յամի Տեառն 1808

Յամիսեանն յուլիսիս... աւուրն

ՂԱԹՈՒՆ ամենայն Հայոց

Ի Սուրբ Էջմիածին,

որ ՂԱԲԱՐԱՄԻ

ԱՆՐԱՊԵՏՈՒԹՅԱՆ ԻՍՏԻՍՏԱՆԻ ԳՐԱԴԱՐԱՆԻ ՄԵԾԻՆ

Մեծ Նապօլիոն խաչապսակ ինքնակալ կայսր
սիրող ըարեւալաշտութեան

Ամենողորմած թագաւոր և պաշտպան հաւատացելոց

Շնորհք և ողորմութիւն և բարերար ակնարկու-
թիւն կայսերաց գաղիացւոց ի ժամանակս լաւաջինս ե-
ղեալս է առ թագաւորս առ Քահանայապետս և առ
բոլոր ազգն հայոց յոյժ առատութեամբ զորոյ լաւ ևս
քան զմեզ կարող էք գիտել ի նախնեաց պատմութեանց:

Բայց յօրէ վերջանալոյ թագաւորական ճոխութեան
հայոց մինչև ցայսօր ժամանակի, թէպէտ ջերմեռան-
դութիւն սիրոյ Քահանայապետաց և Ազգի Հայոց կալ
մնայ նոյնպէս հաստատուն կերպիւ, այլ պսակ ջերմե-
ռանդութեան նոցին նշան քաղցր ակնարկութեանց տի-
եզերակալաց Գաղիացւոց, նաև գիր ողորմութեան ան-
գամ բոլորապէս վերջացեալ. կարօտ եմք ազգովին և
համարիմք մեզ այն անբաղդութիւն ի վերայ անբաղ-
դութեանց:

Առիթ ցնծութեան եղև բազմավիշտ հոգեւորակա-
նացս և Արարատեան Աթոռոյն Էջմիածնի մինչ լամն
1804, լուր եհաս յականջս մեր, թէ գիր ողորմութեան
Ձերոյ կայսերական բարերութեան ունիմք ստանալ. այլ

և այն մնացաք կարօտեալք. քանզի բռնելն Պայազի-
տոյ սպան զՅովսէփ անուն գրաբերն յազգէ մերմէ և
ի կորուստ գնացին ամենայն գրութիւնք որք ընդ նմա:

Բարեբաղդութեան սկիզբն համարեցաք մեզ յոր-
ժամ յամի 1808 յունիս 16 գտաւ ի սուրբ Աթոռս Ա-
րարատեան հաւատարիմ ծառայ Ձերոյ Կ. Մ. Արեգա-
կան նշանակիր Ժօմպաթիստ Բուսսօն ըստ որում յա-
ւիտենից փառացն արժանաւոր քահանայապետ կաթու-
ղիկոսն ամենայն հայոց Դանիէլ՝ ամենախոնարհաբար
գրով մատոյց զՅերմեռանդութիւն իւր առաջի ամեն-
ողորմած Աթոռոյ Ձերում Կ. Բարձրութեան այլ մինչև
ցայսօր տակաւին չունիմք զծանօթութիւն և ոչ վասն
այնորիկ:

Ուրախութիւն մեծ նոր կրկին ընծայեցաւ տառա-
պեալ հոգևորականաց բազմութեան մինչ ի նմին ժա-
մփնակի և թերևս նշան առ մեզ յատուկ ողորմութեանն
Աստուծոյ որպէս պատկեր Աստուածանման ողոր-
մած սուրբ կայսերութեան Ձեր եկն ի քահանայապե-
տական Աթոռս Արարատեան վասն այցելութեան ան-
այցելու հոգևորականաց բազմութեան սուրբ Տաճարին
Աստուծոյ բարձրագոյն փառօք և պատուօք վերահռչա-
կեալ ճենարալ Գարտան Էտդրգան ղեսպան տիեզերա-
կան տէրութեան Ձերոյ առ Նահն Պարսից: Մեք թէ-
պէտ եմք այժմիկ առաւելապէս ևս տարակուսեալք ըստ
որում լիշեալ քահանայապետն մեր ևս թողեալ վասն
Ձեր զիւր բազմապատիկ օրհնութիւնն հանգեալ ինքն
առ բազմալին իւր Քրիստոս, և փոխանորդն նորա յատ-
կացուցեալն վասն քահանայապետութեան ամենայն
Հայոց Եփրեմ Արք եպիսկոպոսն Ռուսաստանու Հայոց
գեռ ևս ոչ ժամանեաց յԱթոռ իւր, այլ այսու ամե-
նայնիւ մեք համագումարեալ հոգևորականք Հայոց Արք
եպիսկոպոսք, եպիսկոպոսք, վարդապետք և կղերք բո-

լորեալ ջերմեռանդութեամբ աղօթարարք վասն ամեն-
ողորմած Աթոռոյ սուրբ Կ. Ձերոյ ամենախոնարհաբար
երկրպագութիւն մատուցանելով Ձերում Կ. Բարձրու-
թեան պէս փոխանորդի երկնաւոր թագաւորին մերում
Աստուծոյ, յանձն առնեմք շնորհաց տշխարհատարած
ողորմութեան Ձերում զմեզ և զԱթոռս Արարատեան սուրբ
Էջմիածին և զամենայն հոգեւորականս և զմարմնաւորա-
կանս ամենայն ազգի Հայոց և ամենախոնարհաբար խնդ-
րեմք զի վերստին նորոգ և զնոյն շնորհ նախնի թագաւորաց
Ձերոց Աթոռակալաց շնորհ ունիցիք յատկապէս ի վերայ
քահանայապետական Աթոռոյս ամենայն Հայոց սուրբ Էջ-
միածնի, որ յԱրարատ, այլև աղաչեմք և պաղատիմք,
զի ուրև տարածես ի ողորմութեան Աթոռոյ Ձերոյ կա-
սերական Մեծութեան եղիցի հովանի ազգի և եկեղեց-
ւոյ Հայառտանեայց:

Յայլ որպիսութիւնս լաւ ևս կարէ պատմել բերա-
նով լիշեալ գերապատիւ դեսպանն մեծ տէրութեան
Ձերոյ, որ եղև ականատես և հասու բաւականապէս:

Ողջ լեր ամենաողորմած օգոստոս սուրբ կայսր և
մեք յուսով մեծաւ մնամք ողջոյն աղգաւ աղօթարար
վասն անգին կենաց Ձերոց և բոլոր պալատի Ձերում:

Օգոստոս ինքնակալ Ձերոյ բարձրագոյն և ամենաողորմած կայսրութեան

Խոնարհ ծառայք և աղօթարարք Արքե-
պիսկոսպոսունք սուրբ Ժողովոյն բարձրագոյն
խորհրդարանի սրբոյ Էջմիածնի:

Բարսեղ արք-եպիսկոպոս
Ծովսեպի արք-եպիսկոպոս
Միմհօն արք-եպիսկոպոս
Մնդրեան արք-եպիսկոպոս
Միքսան արք-եպիսկոպոս
Ծովհաննէս արք-եպիսկոպոս
Ներսէս արք-եպիսկոպոս

Ի 1809 ապրիլի 25

Ի Սուրբ Էջմիածին

Հոսցեմ. Նորին կայսերական մեծութեան ինքնակալի Ֆրան-
ցայու և զբայի Իտալիոյ Օգոստափառ մեծ Նապօլիօն ամենաողոր-
մած թագաւորի մերում: